



JUDICIAL SYSTEM MONITORING PROGRAMME
PROGRAMA MONITORIZASAUN SISTEMA JUDISIÁRIU

"JSMP: Servisu atu garante justisa ba ema hotu"

Rua setubal Colmera Dili, Timor Leste
Po Box 275, Telefone: 3323883, info@jsmp.minihub.org
Website: www.jsmp.tl
Facebook: www.facebook.com/timorleste.jsmp
Twitter: @JSMPtl



Rua Bebora. Dili. Timor Leste
Telefone : 3322922/3311020/77272070



Tribunál kondena arguidu krime violasaun seksuál agravasaun ho forma tentativu ba pena prizaun tinan 7

Iha 16 Novembru 2015, Tribunál Distritál Díli prejide leitura akordaun no kondena arguidu TF ho pena prizaun tinan 7 tanba provadu tenta halo violasaun seksuál ho agravasaun hasoru nia bin hakiak, iha Distritu Díli.

Tribunál prova katak iha 20 Juñu 2015 iha tuku 4 dadersan arguidu tama ba iha lezada nia kuartu laran.

Tanba nakukun hela lezada la konsege hare moos arguidu, maibé arguidu dada lezada nia manta taka netik tiha ba iha lezada nia ibun atu nune'e lezada la bele hakilar.

Depoide ne'e, arguidu kontinua hodi hena ida kesi-metin lezada nia isin, hodi hasai lezada nia ropa no lamas lezada nia isin lolon no obriga lezada atu halo relasaun seksuál (koitu oral) maibé lezada la-kohi, tanba ne'e arguidu tuku lezada. Mesmu nune'e, arguidu kontinua ho forsa obriga rei lezada nia ibun no lezada nervoza hodi tata kanek tiha arguidu nia nanal. Depoide akontesementu, arguidu ameasa katak arguidu sei oho tiha lezada kuandu lezada hateten sai kona-ba saida mak akontese ne'e ba ema seluk.

'JSMP preukupa ho desizaun tribunál nian ne'e atu kondena arguidu ho pena prizaun tinan 7 deit, ne'ebé besik metade hosi pena masimu ba tentativa violasaun seksuál. Violénsia seksuál la'os de'it kauza kanek fíziku maibé iha impaktu psikologiku oi-oin ba vítima sira, ne'ebé maioria fetu no labarik. Sentensa ba krime violénsia seksuál tenke besik ba pena masimu atu



refleta gravidade hosi krime ne'e," dehan Luis de Oliveira Sampaio, Diretor Ezekutivu JSMP.



Ministériu públiku akuza arguidu kontra artigu 171 Kódigu Penál kona-ba koasaun seksuál ho agravasaun iha artigu 173 Kódigu Penál.



Faktus provadu hirak ne'e tribunál produs tuir konfisaun arguidu nian, depoimentu hosi lezada no rezultadu relatóriu médiku hosi ospital.

Depoide produsaun ba provas, tribunál altera artigu ne'e hosi krime koasaun seksuál iha artigu 171 Kódigu Penál ho agravasaun tuir artigu

173 Kódigu Penál ba fali krime violénsiaun iha artigu 172 Kódigu Penál ho agravasaun iha artigu 173 ho forma tentativu

iha artigu 23 Kódigu Penál.

JSMP preukupa katak ministériu públiku la konsidera apropriadamente evidénsia hot-hotu antes akuza, no tanba ne'e ninia konsekuensia mak, la-akuza loloos kazu ne'e. Ministériu Públiku tenke akuza arguidu ho ofensa ba integridade fízika simples tuir Artigu 145 husi Kódigu Penál tanba arguidu tuku lezada. Ida-ne'e importante katak ministériu públiku konsidera sirkunstansia hosi kada kazu no akuza koretamente atu asegura sentensa saida de'it han-malu ho gravidade hosi kazu ne'e. Bazeia ba faktus provadu sira ne'ebé produs durante julgamentu, tribunál konklui prosesu ne'e no kondena arguidu ho

pena prizaun tinan 7. Pena ne'e representa metade hosi pena masimu hosi tinan 13 fulan 4 ba tentativa violasaun seksuál agravadu (tinan 20 ba violasaun seksuál agravadu tuir artigu 173 Kódigu Penál, reduz tiha um terço (1/3) tuir artigu 24 no 57).

JSMP hanoin katak sentensa ba kazu ne'e la-justu no la-ekilibriu ho arguidu nia hahalok tanba tuir loloos arguidu mak tenke proteze no defende lezada nu'udar nia feton. JSMP hanoin katak inestu nu'udar forma abuzu seksuál ne'ebé partikularmente perigozo no envolve explorasaun pozisaun autóridade família. Tanba ne'e, JSMP kontinua husu ba Parlamentu Nasionál atu altera Kódigu Penál no liu-liu kriminaliza inestu. Ida-ne'e tenke aplika ba kazu sira ne'ebé involve relasaun hakiak/padrastu tanba hosi JSMP nia esperiensia krime inestu barak mak komete kontra relasaun hirak nee.

Kazu ne'e rejista iha tribunál ho Nuc. 0157/15. PDDIL, no julgamentu ne'e prejide hosi juis kolektivu ne'ebé representa hosi Dra. Zulmira da Silva, Ministériu Públiku representa hosi Dra. Lidia Soares no arguidu hetan defeza hosi Dr. Sebastião Amado hosi Defensória Públiku.***

JSMP apresia deputadu Komisaun A Parlamentu Nasionál fó importansia ba relatóriu JSMP hodi konvense ho governu

Iha 17 Novembru 2015, Komisaun A Parlamentu Nasionál (PN) ho Ministériu Justisa hala'o audénsia publiku kona-ba progresu ezekusaun orsamentu estadu ba tinan 2015 no planu programa ba proposta orsamentu jerál Ministériu Justisa ba tinan 2016.

Durante audénsia deputadu Joaqim dos

kestaun remunerasaun. Iha persepsaun ne'ebé mak mosu entre autoir judisial sira katak remunerasaun ne'ebé oferese ba sira nia servisu ne'e equilíbru nune'e halo sira sente la-satisfatoiru (t i d a k memuaskan).



Santos apresenta mós rekomendasaun JSMP nian hosi relatóriu ida ne'ebé JSMP produz iha inisiu tinan 2014 kona-ba kestaun Bemestar ba autór judisiáriu no kapasidade instituisaun legál sira.

Tribunál sira ne'e nu'udar orgaun soberanu hanesan regula iha artigu 118

Relatóriu ne'e deskobre katak instituisaun judisiáriu la hetan facilidades no kondisaun servisu adekua no tanba ne'e afeita ba produtividade servisu autór judisiáriu sira nian atu fornese justisa ba publiku.

Aleinde ne'e, relatóriu ne'e dekbore kona-ba lamentasaun autór judisiáriu sira kona-ba

Konstituisaun RDTL, maske nune'e sira hetan



tratamentu ne'ebé diferente liu kompara ho orgaun soberanu sira seluk. Hatan ba kestaun ne'e, Ministériu Justisa informa katak tribunál hanesan orgaun independenti no sira rasik mak tenki jere diak sira nia instituisaun.

Enkuantu JSMP hanesan parseria importante Ministériu Justisa nian durante ne'e, sempre iha kolaborasaun diak no sira sempre produs relatóriu barak kada tinan. Relatóriu hirak ne'e pertenenit tebes atu kontribui hadia ita nia

"JSMP apresia tebes ho deputadu sira nia preukupasaun ba problema ne'ebé JSMP deskobre iha ita nia instituisaun judisiáriu sira hodi buka opsaun alternativa apropiadu atu hadiak liutan ita nia setór justisa iha futuro," dehan Diretor Ezekutivu JSMP, Luis de Oliveira Sampaio.

Iha audénsia ne'e, JSMP mós nota katak Defensór Públiku hato'o mós sira nia preukupasaun kona-ba facilidade servisu ne'ebé la sufisientu atu facilita servisu funsionáriu defensor sira iha distritu rua ne'ebé sei estabese iha tinan oin mai. Tanba ne'e, husu atu hato'o proposta adisionál ba sosa ekipamentus servisu no motorizada ba distritu rua ne'e inklui mós Distritu Suai.

Proposta orsamentu Ministériu Justisa nian ba tinan 2016 ho kategoria ba salárius no vensimentu; US\$ 3,189 miliaun, Bens no Servisu; US\$15,226 miliaun, kapital menor US\$ 240 miliaun, kapital desenvolvimentu; US\$ 515 miliaun, nune'e total despezas hamutuk US\$ 19,170 miliaun. Husi orsamentu ne'e inklui mós orsamentu Defensor Públiku nian ho total despezas US\$1,300 miliaun.***



EVENTU SIRA TUIR MAI

- Iha loran 24 Novembru 2015, JSMP sei lansa relatóriu kona-ba Aplikasaun Sentesa Alternativa iha Kazu Violénsia Doméstika iha Tribunál Distritál Oecusse, Salaun Administrasaun Munisípal Oecusse. Lansamentu relatóriu ne'e hetan suporta husi USAID liu husi programa ba distritu Counterpart International.